



Ard-Reachtair Cuntas agus Ciste Comptroller and Auditor General

Tuarascáil le cur faoi bhráid Thithe an Oireachtais

An Coimisiún um Chosaint Sonraí

Tuairim ar na ráitis airgeadais

Tá iniúchadh déanta agam ar ráitis airgeadais an Choimisiúin um Chosaint Sonraí don tréimhse ón 25 Bealtaine 2018 go dtí an 31 Nollaig 2018 mar a cheanglaítear faoi fhorálacha alt 23 den Acht um Chosaint Sonraí, 2018 (an tAcht).

Tá na ráitis airgeadais comhdhéanta díobh seo:

- an cuntas fáiltas agus íocaíochtaí
- na nótaí gaolmhara, lena n-áirítear achoimre ar bheartais shuntasacha chuntasáíochta.

I mo thuairim,

- cuirtear i láthair go cuí sna ráitis airgeadais an t-airgead a fuair agus a chaith an Coimisiún um Chosaint Sonraí le linn na tréimhse ón 25 Bealtaine 2018 go dtí an 31 Nollaig 2018.

Aistriú feidhmeanna agus bunú Vóta

Bunaíodh an Coimisiún um Chosaint Sonraí an 25 Bealtaine 2018 agus rinneadh feidhmeanna, baill foirne, sócmhainní agus dliteanais Oifig an Choimisinéara Cosanta Sonraí a aistriú chuig an gCoimisiún um Chosaint Sonraí ar an dáta sin. Foráladh leis an Acht go sannfaí a vóta féin don Choimisiún um Chosaint Sonraí, agus táthar ag obair chun an méid sin a bhaint amach le héifeacht ó mhí Eanáir 2020.

Bunús na tuairime

Rinne mé m'iniúchadh ar na ráitis airgeadais de réir na gCaighdeán Idirnáisiúnta um Iniúchóireacht arna bhfógairt ag Eagraíocht Idirnáisiúnta na nUasfhoras Iniúchóireachta. Tá cur síos déanta san aguisín a ghabhann leis an tuarascáil seo ar na freagrachtaí atá orm faoi na caighdeáin sin. Táim neamhspleách ar an gCoimisiún um Chosaint Sonraí agus chomhlíon mé na freagrachtaí eitiúla eile atá orm de réir na gcaighdeán.

Creidim gur leor an fhianaise iniúchóireachta a fuair mé agus go bhfuil sí oiriúnach do bhunús a thabhairt le mo thuairim.

Tuarascáil ar fhaisnéis seachas na ráitis airgeadais agus ar ábhair eile

Chuir an Coimisiún um Chosaint Sonraí faisnéis áirithe eile i láthair i dteannta na ráiteas airgeadais. Cuimsíonn an fhaisnéis sin an ráiteas rialachais agus an ráiteas faoi rialú inmheánach. Tá cur síos déanta san aguisín a ghabhann leis an tuarascáil seo ar na freagrachtaí atá orm tuairisc a thabhairt ar fhaisnéis den sórt sin agus ar ábhair áirithe eile ar a dtuairiscím trí eisceacht.

Nil aon rud le tuairiscíú agam ina leith sin.

Seamus McCarthy
An tArd-Reachtair Cuntas agus Ciste
28 Lúnasa 2019

Aguisín a ghabhann leis an tuarascáil

Freagrachtaí an Choimisiúin um Chosaint Sonraí

Tá an Coimisiún freagrach as na nithe seo a leanas:

- na ráitis airgeadais a ullmhú san fhoirm a fhorordaítear faoi alt 23(1) den Acht um Chosaint Sonraí, 2018
- a chinntiú go gcuirtear i láthair go cuí sna ráitis airgeadais an t-airgead a fuarthas agus a caitheadh le linn na tréimhse ón 25 Bealtaine 2018 go dtí an 31 Nollaig 2018 de réir na mbeartas cuntasaoíochta atá leagtha amach sna ráitis airgeadais
- rialtacht na n-idirbheart a chinntiú, agus
- cibé rialú inmheánach a mheasann sé a bheith riachtanach chun ráitis airgeadais a ullmhú atá saor ó mhíríteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 23(2) den Acht um Chosaint Sonraí, 2018, ráitis airgeadais an Choimisiúin um Chosaint Sonraí a iniúchadh.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-íomláine saor ó mhíríteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní ráthaíonn sé gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúcháireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán go bhféadfaí a bheith ag súil go réasúnach go rachadh siad i bhfeidhm ar chinntí eacnamaíochta a dhéanann úsáideoirí ar bhonn na ráiteas airgeadais sin.

Mar chuid d'iniúchadh a dhéantar de réir na gCaighdeán Idirnáisiúnta um Iniúcháireacht, úsáidim breithiúnas gairmiúil agus coinním sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaitheint agus measúnú ar na rioscaí a bhaineann le míráiteas ábhartha sna ráitis airgeadais de bharr calaoise nó earráide; ceapaim nósanna imeachta iniúcháireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bonn a thabhairt do mo thuairim. Is airde an baol nach mbraithfí míráiteas ábhartha de bharr calaoise ná de bharr earráide, toisc go bhféadfadh claoipháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.
- Gnóthaím tuiscint ar an rialú inmheánach a bhaineann leis an iniúchadh chun nósanna imeachta iniúcháireachta a cheapadh atá cuí sna cúinsí, seachas chun tuairim a chur in iúl ar a éifeachtaí atá na rialuithe inmheánacha.
- Déanaim meastóireacht ar a chuí atá na beartais chuntasaoíochta a úsáideadh agus ar a réasúnaí atá na meastacháin chuntasaoíochta agus an nochtadh gaolmhar.

Téim i dteagmháil leo sin a bhfuil freagrachtaí rialachais orthu maidir le raon feidhme agus uainiú beartaithe an iniúchta agus maidir le fionnachtana suntasacha iniúchta, lena n-áirítear aon easnaimh shuntasacha ar an rialú inmheánach a shainaitheint le linn m'iniúchta, i measc ábhair eile.

Faisnéis seachas na ráitis airgeadais

Ní chumhdaíonn mo thuairim ar na ráitis airgeadais an fhaisnéis eile atá curtha i láthair sna ráitis airgeadais sin, agus ní chuirim aon chinneadh dearbhaithe in iúl ina leith.

I dtaca le m'iniúchadh ar na ráitis airgeadais, ceanglaítear orm faoi na Caighdeán Idirnáisiúnta um Iniúcháireacht an ráiteas faoi rialú inmheánach airgeadais a chuirtear i láthair a léamh agus, le linn déanamh amhlaidh, a bhreithniú cé acu is amhlaidh nó nach amhlaidh go bhfuil an fhaisnéis atá ann neamh-chomhsheasmhach go hábhartha leis na ráitis airgeadais nó le heolas a gnóthaíodh le linn an iniúchta nó go bhfuil an chuma uirthi ar shlí eile gur tugadh míráiteas ábhartha ina leith. Más rud é, bunaithe ar an obair atá déanta agam, go dtagaim ar an gconclúid go bhfuil míráiteas ábhartha ann i leith na faisnéise sin, ceanglaítear orm an fhíriscú a thuairisciú.

Tuairisciú ar ábhair eile

Déantar m'iniúchadh trí thagairt do na cúinsí speisialta a bhaineann le comhlachtaí Stáit maidir lena mbainistiú agus lena n-oibriú. Tuairiscim i gcás go sainaitheint ábhair ábhartha a bhaineann leis an dóigh ar cuireadh gnó poiblí i gcrích.

Féachaim le linn an iniúchta le fianaise a fháil ar rialtacht na n-idirbheart airgeadais. Tuairiscim i gcás go sainaitheint aon chásanna ábhartha nár caitheadh airgead poiblí do na críocha a bhí beartaithe iontu nó nach ndearnadh na hidirbhearta de réir na n-údarás a bhí á rialú iontu.

Tuairiscim trí eisceacht freisin i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaoíochta chun mé a chumasú iniúchadh réidh cuí a dhéanamh ar na ráitis airgeadais, nó
- nach bhfuil na ráitis airgeadais ag teacht leis na taifid chuntasaoíochta.



**An Coimisiún um
Chosaint Sonraí
Data Protection
Commission**

AN COIMISIÚN UM CHOSAINT SONRAÍ

**CUNTAS FÁLTAS AGUS ÍOCAÍOCHTAÍ
DON TRÉIMHSE ÓN 25 BEALTAINÉ 2018 GO DTÍ AN 31
NOLLAIG 2018**

AN COIMISIÚN UM CHOSAINT SONRAÍ
CUNTAS FÁLTAS AGUS ÍOCAÍOCHTAÍ
DON TRÉIMHSE ÓN 25 BEALTAINÉ 2018 GO DTÍ AN 31 NOLLAIG 2018

CLÁR ÁBHAR

	Leathanach
Faisnéis Ghinearálta	3
Deimhniú an Ard-Reachtair Cuntas agus Ciste	4
Ráiteas Rialachais agus Tuarascáil an Choimisiúin	5-9
Ráiteas faoi Rialú Inmheánach	10-12
Cuntas Fáltas agus Íocaíochtaí	13
Nótaí leis na Cuntais	14-20

AN COIMISIÚN UM CHOSAINT SONRAÍ

FAISNÉIS GHINEARÁLTA

Oifigí:	Oifig Bhaile Átha Cliath: 21 Cearnóg Mhic Liam Baile Átha Cliath 2 Oifig Chúil an tSúdaire: Teach na Canálach Bóthar an Stáisiúin Cúil an tSúdaire Co. Laoise
Coimisinéir Cosanta Sonraí:	Helen Dixon Uas. - Coimisinéir
Leas-Choimisinéirí:	Anna Morgan Uas. - Ceann Gnóthaí Dlí An tUas. Dale Sunderland - Maoirseacht ar Chuideachtaí Innáisiúnta agus Teicneolaíocht, Réamhchomhairliúchán agus Teagmháil Jennifer O'Sullivan Uas. - Straitéis, Oibríochtaí agus Gnóthaí Idirnáisiúnta An tUas. John O'Dwyer - Sáruithe, Gearáin, Imscrúduithe agus Aistrithe Marita Kinsella Uas. - Gnóthaí Corparáideacha agus Freagairt Chéadlíne
Uimhir Theileafóin:	057 868 4800 0761 104 800 1890 252 231
Suíomh Gréasáin:	www.dataprotection.ie
Ríomhphost:	info@dataprotection.ie
Iniúchóir:	An tArd-Reachtair Cuntas agus Ciste 3A Sráid an Mhéara Uachtarach Baile Átha Cliath 1

AN COIMISIÚN UM CHOSAINN SONRAÍ
CUNTAS FÁLTAS AGUS ÍOCAÍOCHTAÍ
DON TRÉIMHSE ÓN 25 BEALTAINE 2018 GO DTÍ AN 31 NOLLAIG 2018
DEIMHNIÚ AN ARD-REACHTAIRE CUNTAS AGUS CISTE
(LE CUR ISTEACH AR CHUR I gCRÍCH AN INIÚCHTA)

AN COIMISIÚN UM CHOSAINT SONRAÍ

RÁITEAS RIALACHAIS AGUS TUARASCÁIL AN CHOIMISIÚIN

Rialachas

Tháinig creat dlíthiúil nua um chosaint sonraí i bhfeidhm ar fud an Aontais Eorpaigh tráth theacht i bhfeidhm an Rialacháin Ghinearálta maidir le Cosaint Sonraí an 25 Bealtaine 2018. Ar an dáta sin, ba leis an Acht um Chosaint Sonraí, 2018, a bunaíodh Coimisiún nua um Chosaint Sonraí agus a aistríodh feidhmeanna, baill foirne, sócmhainní agus dlíteanais uile Oifig an Choimisinéara Cosanta Sonraí chuig an gCoimisiún um Chosaint Sonraí. Is é seo an chéad ráiteas airgeadais ón gcomhlacht nua. Chun críocha faisnéise, tugtar figiúirí comparáideacha ó chuntais scoir an chomhlachta a bhí ann roimhe. De bhreis air sin, le cur i bhfeidhm Rialachán Ginearálta an Aontais Eorpaigh maidir le Cosaint Sonraí ón 25 Bealtaine 2018, tugadh ról i bhfad níos mó don Choimisiún nua um Chosaint Sonraí mar údarás cosanta sonraí agus is ionann an Coimisiún nua anois agus údarás maoirseachta a bhfuil sainchúram ar fud an Aontais Eorpaigh air.

Tá an Coimisiún um Chosaint Sonraí neamhspleách maidir le comhlíonadh a fheidhmeanna agus tá sé cuntasach don Roinn Dlí agus Cirt agus Comhionannais trí Chomhaontú Dearbhaithe Rialachais. Chinntigh an Coimisiún um Chosaint Sonraí dea-rialachas agus chomhlíon sé an cúram sin trí chuspóirí agus spriocanna straitéiseacha a leagan síos agus trí chinntí straitéiseacha a dhéanamh ar gach saincheist thábhachtach ghnó. Ag gníomhú di thar ceann an Choimisiúin, is ar an gCoimisinéir Cosanta Sonraí, le tacaíocht ón bhfoireann ardbhainistíochta, atá an fhreagracht as an gCoimisiún um Chosaint Sonraí a bhainistiú, a rialú agus a threorú ar bhonn laethúil. Foráladh leis an Acht um Chosaint Sonraí, 2018, go sanntaí a vóta féin don Choimisiún um Chosaint Sonraí. Tá an Coimisiún ag obair chun an méid sin a bhaint amach le héifeacht ón 1 Eanáir 2020.

Freagrachtaí an Choimisiúin um Chosaint Sonraí

Ceanglaítear le halt 23 den Acht um Chosaint Sonraí, 2018, ar an gCoimisiún um Chosaint Sonraí na cuntais go léir is cuí agus is gnách ar an airgead go léir a fuair an Coimisiún agus a chaith sé a choimeád i cibé foirm a cheadaigh an tAire Dlí agus Cirt agus Comhionannais, le toiliú an Aire Caiteachais Phoiblí agus Athchóirithe.

Le linn na cuntais sin a ullmhú, ceanglaítear ar an gCoimisiún um Chosaint Sonraí-

- beartais oiriúnacha chuntasaíochta a roghnú agus iad a chur i bhfeidhm go comhsheasmhach,
- breithiúnais agus meastacháin atá réasúnta agus stuama a dhéanamh,
- na cuntais a ullmhú ar bhonn an ghnóthais leantaigh ach amháin i gcás go bhfuil sé míchuí talamh slán a dhéanamh de go leanfaidh sé ag feidhmiú, agus
- a lua cé acu a leanadh nó nár leanadh caighdeáin chuntasaíochta is infheidhme, faoi réir aon imeachtaí ábhartha atá mínithe agus nochta sna cuntais.

Tá an Coimisiún um Chosaint Sonraí freagrach as taifid chúí chuntasaíochta a choinneáil, ina gcuirtear a staid airgeadais in iúl le cruinneas réasúnta ag am ar bith agus lena gcuirtear ar a chumas a chinntiú go n-ullmhaítear na cuntais de réir alt 23 den Acht um Chosaint Sonraí, 2018. Is é an Coimisiún um Chosaint Sonraí atá freagrach as cothabháil agus iomláine na faisnéise corparáidí agus airgeadais atá ar fáil ar shuíomh Gréasáin an Choimisiúin um Chosaint Sonraí.

Tá an Coimisiún um Chosaint Sonraí freagrach as plean bliantúil agus buiséad bliantúil an Choimisiúin a cheadú agus déantar meastóireacht go rialta ag cruinnithe ar fud na tréimhse ar fheidhmíocht an Choimisiúin i gcomparáid leis an bplean bliantúil agus leis an mbuiséad bliantúil. Tá an Coimisiún um Chosaint Sonraí freagrach chomh maith as a shócmhainní a chosaint agus as bearta réasúnta a dhéanamh chun calaois agus mírialtachtaí eile a chosc agus a bhrath.

AN COIMISIÚN UM CHOSAINT SONRAÍ

RÁITEAS RIALACHAIS AGUS TUARASCÁIL AN CHOIMISIÚIN

Measann an Coimisiún um Chosaint Sonraí go léirítear go cuí i gcuntais an Choimisiúin um Chosaint Sonraí feidhmíocht airgeadais agus staid airgeadais an Choimisiúin um Chosaint Sonraí ag an 31 Nollaig 2018.

Struchtúr rialachais an Choimisiúin um Chosaint Sonraí

Cheap an Rialtas Helen Dixon mar Choimisinéir Cosanta Sonraí i mí Mheán Fómhair 2014 ar feadh tréimhse 5 bliana de réir alt 9(1) den Acht um Chosaint Sonraí, 1988, arna leasú. De réir alt 15(4) den Acht um Chosaint Sonraí, 2018, rinneadh an Coimisinéir Cosanta Sonraí ar an gCoimisiún nua um Chosaint Sonraí di an 25 Bealtaine 2018.

Maidir le struchtúr rialachais an Choimisiúin, tá Coiste Ardbhainistíochta aige, a chuimsíonn an Coimisinéir Cosanta Sonraí agus cúigear Leas-Choimisinéirí. Is é ról an Choiste Ardbhainistíochta maoirseacht a dhéanamh ar bhainistíocht chúí agus rialachas cuí an Choimisiúin um Chosaint Sonraí ar aon dul leis na prionsabail atá leagtha amach sa Chód Cleachtais do Rialachas Comhlachtaí Stáit (2016). Áirítear le téarmaí tagartha an Choiste Ardbhainistíochta ceannaireacht straitéiseach, bainistíocht agus maoirseacht na heagraíochta, faireachán a dhéanamh ar fheidhmíocht an lucht bainistíochta agus na foirne i gcomparáid le tosaíochtaí straitéiseacha agus gnó, cuspóirí straitéiseacha agus gnó, treo straitéiseach agus dúshlán na heagraíochta.

Le linn na tréimhse a chumhdaítear leis an Ráiteas Airgeadais seo, bhí an Coimisiún um Chosaint Sonraí faoi shainchúram Choiste Iniúchóireachta Inmheánaí na Roinne Dlí agus Cirt agus Comhionannais. Chuir Aonad Iniúchóireachta Inmheánaí na Roinne Dlí agus Cirt agus Comhionannais iniúchadh i gcrích ar an gCoimisiún um Chosaint Sonraí le linn na bliana 2018. Rinne Coiste Ardbhainistíochta an Choimisiúin scrúdú ar an tuarascáil ina leith. Cuireadh í faoi bhráid Choiste Iniúchóireachta na Roinne Dlí agus Cirt agus Comhionannais lena plé freisin.

Sceideal Freastail, Táillí agus Speansas

Tá sceideal freastail ar chruinnithe an Choiste sa tréimhse ón 25 Bealtaine 2018 go dtí an 31 Nollaig 2018 leagtha amach thíos, lena n-áirítear na táillí agus na speansas a fuair gach comhalta:

An Coiste Ardbhainistíochta

Cruinnithe a tionóladh

8	
Helen Dixon	8/8
Anna Morgan	6/8
Dale Sunderland	7/8
Jennifer O'Sullivan	4/8
John O'Dwyer	8/8
Marita Kinsella	8/8

Níor íocadh aon táillí ná speansas leis an gCoiste Ardbhainistíochta i dtaca le cruinnithe a tionóladh ón 25 Bealtaine 2018 go dtí an 31 Nollaig 2018.

Athruithe Príomhphearsanra

Ní dhearnadh aon athruithe príomhphearsanra sa tréimhse ón 25 Bealtaine 2018 go dtí an 31 Nollaig 2018.

AN COIMISIÚN UM CHOSAINT SONRAÍ
RÁITEAS RIALACHAIS AGUS TUARASCÁIL AN CHOIMISIÚIN

An Nochtadh a Cheanglaítear leis an gCód Cleachtais do Rialachas Comhlachtaí Stáit (2016)

Ag gníomhú di thar ceann an Choimisiúin, tá an Coimisinéir Cosanta Sonraí freagrach as a chinntiú go gcomhlíonann an Coimisiún um Chosaint Sonraí ceanglais an Chóid Chleachtais do Rialachas Comhlachtaí Stáit (“an Cód”) arna fhoilsiú ag an Roinn Caiteachais Phoiblí agus Athchóirithe i mí Lúnasa 2016. Ceanglaítear an nochtadh seo a leanas leis an gCód:

Miondealú ar Shochair Ghearrthéarmacha Fostaithe

Déantar sochair gearrthéarmacha fostaithe ar fiú níos mó ná €60,000 in aghaidh na bliana iad a chatagóiriú sna bandaí seo a leanas:

Raon Ó	Go	Líon fostaithe 2018
€ 60,000	- € 69,999	18
€ 70,000	- € 79,999	9
€ 80,000	- € 89,999	2
€ 90,000	- € 99,999	3
€ 100,000	- € 109,999	2
€ 110,000	- € 119,999	-
€ 120,000	- € 129,999	-
€ 130,000	- € 139,999	1

Costais Chomhairleachta

Áirítear le costais chomhairleachta an costas ar chomhairle sheachtrach a chur ar an lucht bainistíochta. Ní áirítear leo an costas ar fheidhmeanna seachfhoinsithe ‘gnáthghnó’.

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir 2018 go dtí an 24 Bealtaine 2018
	€	€
Comhairle dlí	18,033	2,498
Seirbhísí Comhairleacha Gnó	260,319	274,503
Caidreamh poiblí/margaíocht	<u>33,739</u>	<u>40,524</u>
Iomlán	<u>312,091</u>	<u>317,525</u>

AN COIMISIÚN UM CHOSAINT SONRAÍ
RÁITEAS RIALACHAIS AGUS TUARASCÁIL AN CHOIMISIÚIN

Costais Díl agus Socraíochtaí

Sa tábla thíos, tá miondealú tugtha ar na méideanna a íocadh sa tréimhse tuairiscithe i dtaca le costais díl, le socraíochtaí agus le himeachtaí réitigh agus eadrána a bhaineann le conarthaí le tríú páirtithe. Ní áirítear leis caiteachas a tabhaíodh ar an gcomhairle díl ghinearálta a fuair an Coimisiún um Chosaint Sonraí. Tá an caiteachas sin ar áireamh sna costais Chomhairleachta thuas.

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir 2018 go dtí an 24 Bealtaine 2018
	€	€
Táillí díl - imeachtaí díl	380,916	247,904
Costais díl a dámhadh in aghaidh an Choimisiúin	445,401	-
Costais díl a aisghabhadh	(6,482)	(7,027)
Iomlán	819,835	240,877

Caiteachas Taistil agus Cothaithe

Is mar seo a leanas a chatagóirítear caiteachas taistil agus cothaithe:

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir 2018 go dtí an 24 Bealtaine 2018
	€	€
Taisteal intíre		
- An Coimisinéir	-	-
- Fostaithe	17,040	9,435
Taisteal idirnáisiúnta		
- An Coimisinéir	8,861	2,487
- Fostaithe	51,345	37,045
Iomlán	77,246	48,967

Caiteachas Fáilteachais

Níor tabhaíodh aon chaiteachas fáilteachais sa tréimhse ón 25 Bealtaine 2018 go dtí an 31 Nollaig 2018.

AN COIMISIÚN UM CHOSAINT SONRAÍ

RÁITEAS RIALACHAIS AGUS TUARASCÁIL AN CHOIMISIÚIN

Ráiteas faoi Chomhlíonadh

Chomhlíon an Coimisiún um Chosaint Sonraí ceanglais an Chóid Chleachtais do Rialachas Comhlachtaí Stáit arna fhoilsiú ag an Roinn Caiteachais Phoiblí agus Athchóirithe i mí Lúnasa 2016, gan na heisceachtaí seo a leanas a áireamh:

- Tá an struchtúr rialachais faoinar bunaíodh an Coimisiún um Chosaint Sonraí difriúil le struchtúr rialachais roinnt comhlachtaí eile stáit sa dóigh is nach bhfuil aon struchtúr Boird ann. I gcomhthéacs an Choimisiúin um Chosaint Sonraí, thug an Coimisinéir aonair agus na Leas-Choimisinéirí faoin ról mar Bhord, anuas ar na feidhmeanna feidhmiúcháin a chomhlíonadh.
- I Rannáin 7.2 agus 7.7 den Chód, tagraítear d'Aonad Iniúchóireachta Inmheánaí agus do Choiste Iniúchóireachta agus Riosca atá comhdhéanta go cuí a bheith ag Comhlacht Stáit. Ba é Aonad Iniúchóireachta Inmheánaí na Roinne Dlí agus Cirt agus Comhionannais, faoi mhaoirseacht Choiste Iniúchóireachta Vóta 24 (Dlí agus Ceart), a chomhlíon feidhm Iniúchóireachta Inmheánaí an Choimisiúin um Chosaint Sonraí. Tá an Coimisiún um Chosaint Sonraí faoi réir iniúchadh inmheánach bliantúil ag Aonad Iniúchóireachta Inmheánaí na Roinne Dlí agus Cirt agus Comhionannais, ar lena linn a fhéachtar ar na rialuithe airgeadais atá i bhfeidhm ag an gCoimisiún um Chosaint Sonraí. Déanann Coiste Ard bhainistíochta an Choimisiúin um Chosaint Sonraí agus Coiste Iniúchóireachta na Roinne Dlí agus Cirt agus Comhionannais breithniú ar an tuarascáil iniúchta ina dhiaidh sin. De bhreis air sin, tá an Coimisiún um Chosaint Sonraí faoi réir iniúchadh bliantúil ag an Ard-Reachtair Cuntas agus Ciste agus bhí a phróiseas inmheánach bainistíochta riosca faoi mhaoirseacht ag an gCoiste Ard bhainistíochta, a ghníomhaigh mar Choiste Riosca don oifig freisin.
- Le Rannán 8.8 den Chód, ceanglaítear ar Chomhlacht Stáit Comhaontú Soláthar Feidhmíochta a chomhaontú lena mháthair-Roinn ábhartha. Ós rud é go raibh an Coimisiún um Chosaint Sonraí neamhspleách maidir le comhlíonadh a fheidhmeanna faoi fhorálacha an Achta um Chosaint Sonraí, 2018, ní raibh sé faoi réir Comhaontú Soláthar Feidhmíochta leis an Roinn Dlí agus Cirt agus Comhionannais. Ina ionad sin, bhí Comhaontú Dearbhaithe Rialachais (2017 - 2019) leis an Roinn Dlí agus Cirt agus Comhionannais i bhfeidhm ag an gCoimisiún um Chosaint Sonraí. Leagadh amach sa Chomhaontú sin an creat leathan rialachais chorparáidigh ar laistigh de a d'oibrigh an Coimisiún um Chosaint Sonraí agus inar sainíodh na príomhróil agus na príomhfhreagrachtaí a bhí mar bhonn agus thaca ag an gcaidreamh idir an Coimisiún agus an Roinn Dlí agus Cirt agus Comhionannais.



Helen Dixon
Coimisinéir

Dáta: 23rd August 2019

AN COIMISIÚN UM CHOSAINT SONRAÍ

RÁITEAS FAOI RIALÚ INMHEÁNACH

Raon Freagrachta

Maidir leis an gCoimisiún um Chosaint Sonraí, aithním an fhreagracht as a chinntiú go ndearnadh córas éifeachtach rialaithe inmheánaigh a chothabháil agus a fheidhmiú. Agus an fhreagracht sin á comhlíonadh, tugtar aird ar cheanglais an Chóid Chleachtais do Rialachas Comhlachtaí Stáit (2016).

Cuspóir an Chórais Rialaithe Inmheánaigh

Tá córas rialaithe inmheánaigh an Choimisiúin um Chosaint Sonraí deartha chun riosca a choinneáil ar leibhéal inghlactha, seachas deireadh a chur leis. Dá bhrí sin, ní fhéadann an córas ach dearbhú réasúnach agus ní dearbhú iomlán a chur ar fáil go gcosnaítear sócmhainní, go n-údaráítear idirbhearta agus go dtaifeadtar iad go cuí agus go gcoisctear earráidí ábhartha agus mírialtachtaí nó go mbraitear iad ar bhealach tráthúil.

Bhí an córas rialaithe inmheánaigh sin, atá ag teacht leis an treoir arna heisiúint ag an Roinn Caiteachais Phoiblí agus Athchóirithe, i bhfeidhm sa Choimisiún um Chosaint Sonraí don tréimhse ón 25 Bealtaine 2018 go dtí an 31 Nollaig 2018 agus suas go dtí an dáta a ceadaíodh na cuntais.

Cumas le Riosca a Láimhseáil

Thug an Coimisiún um Chosaint Sonraí tuairisc ar gach ní iniúchóireachta don Choiste Iniúchóireachta sa Roinn Dlí agus Cirt agus Comhionannais. Tháinig an Coiste Iniúchóireachta sa Roinn Dlí agus Cirt agus Comhionannais le chéile 4 huairé sa tréimhse ón 25 Bealtaine 2018 go dtí an 31 Nollaig 2018. Ghníomhaigh Coiste Ardbhainistíochta an Choimisiúin um Chosaint Sonraí mar Choiste Riosca don eagraíocht. D'fhreastail bainisteoirí sinsearacha ón oifig ar bhuanchrúinniú rialachais leis an Roinn Dlí agus Cirt agus Comhionannais sa bhliain 2018, ar lena linn a pléadh saincheisteanna iniúchóireachta agus riosca a bhaineann leis an gCoimisiún um Chosaint Sonraí.

Le linn na bliana 2018, ar aon dul lena chlár bliantúil iniúchtaí, rinne Aonad Iniúchóireachta Inmheánaí na Roinne Dlí agus Cirt agus Comhionannais iniúchadh ar rialuithe airgeadais agus ar rialuithe eile sa Choimisiún um Chosaint Sonraí.

Chuir foireann ardbhainistíochta an Choimisiúin um Chosaint Sonraí beartas bainistíochta riosca chun feidhme, rud inar leagadh amach an fonn riosca a bhí air agus na próisis bhainistíochta riosca a bhí i bhfeidhm aige agus inar sonraíodh na ról a bhí ag baill foirne agus na freagrachtaí a bhí orthu ó thaobh riosca de. Eisíodh an beartas chuig gach ball foirne a bhí ag obair de réir bheartais bhainistíochta riosca an Choimisiúin um Chosaint Sonraí chun a mhíniú dóibh gur ghá an lucht bainistíochta a chur ar an eolas faoi rioscaí a bhí ag teacht chun cinn, laigí a rialú agus freagracht a ghlacadh as rioscaí agus rialuithe laistigh dá réimse oibre féin.

AN COIMISIÚN UM CHOSAINT SONRAÍ

RÁITEAS FAOI RIALÚ INMHEÁNACH

Creat Riosca agus Rialaithe

Chuir an Coimisiún um Chosaint Sonraí córas bainistíochta riosca chun feidhme, rud lenar sainathníodh agus lenar tuairiscíodh na príomhrioscaí a bhí ann agus na gníomhartha bainistíochta a bhí á ndéanamh chun dul i ngleic leis na rioscaí sin agus, a mhéid ab fhéidir é, chun na rioscaí sin a mhaolú.

Tá clár rioscaí i bhfeidhm ina leagtar amach na príomhrioscaí atá roimh an gCoimisiún um Chosaint Sonraí. Déantar na rioscaí sin a shainathní, a mheas agus a ghrádú bunaithe ar a shuntasáí atá siad. Déanann an fhoireann ardbhainistíochta an clár a athbhreithniú agus a thabhairt cothrom le dáta ar bhonn ráithiúil. Úsáidtear an toradh ar an obair sin chun acmhainní a phleanáil agus a leithdháileadh agus chun a chinntiú go gcoinnítear rioscaí ar leibhéal inghlactha. Mionsonraítear sa chlár rioscaí na rialuithe agus na gníomhartha a theastaíonn chun maolú a dhéanamh ar rioscaí agus ar an bhfreagracht a leagtar ar bhaill foirne shonracha as rialuithe a oibriú.

Maidir leis an gCoimisiún um Chosaint Sonraí, deimhním go bhfuil timpeallacht rialaithe i bhfeidhm a bhfuil na gnéithe seo a leanas mar chuid di:

- taifeadtar nósanna imeachta le haghaidh gach príomhphróisis ghnó;
- sanntar freagrachtaí airgeadais ar leibhéal bainistíochta, agus cuntasacht chomhfhreagrach ag gabháil leo;
- tá córas buiséadaithe cuí i bhfeidhm, rud lena ngabhann buiséad bliantúil a choinnítear faoi athbhreithniú ag an lucht ardbhainistíochta;
- tá córais i bhfeidhm a bhfuil mar aidhm leo slándáil na gcóras teicneolaíochta faisnéise agus cumarsáide a chinntiú. Le linn na bliana 2018, ba í an Rannóg TFC sa Roinn Dlí agus Cirt agus Comhionannais a sholáthair seirbhísí TFC don Choimisiún um Chosaint Sonraí. Chuir an Rannóg ráiteas dearbhaithe ar fáil inar leagadh amach na próisis rialaithe a bhí i bhfeidhm sa bhliain 2018;
- tá córais i bhfeidhm chun sócmhainní an Choimisiúin um Chosaint Sonraí a chosaint. Níor tugadh aon chistiú deontais do ghníomhaireachtaí seachtracha;
- is í an Oifig Náisiúnta um Sheirbhísí Comhroinnte a sholáthraíonn seirbhísí Acmhainní Daonna agus seirbhísí Comhroinnte Párolla don Choimisiún um Chosaint Sonraí. Is í an Oifig Náisiúnta um Sheirbhísí Comhroinnte a thugann dearbhú bliantúil maidir leis na seirbhísí a sholáthraítear don Roinn Dlí agus Cirt agus Comhionannais agus iniúchtaí iad faoi phróisis deimhniúcháin ISAE 3402.

Faireachán agus Athbhreithniú Leanúnach

Le linn na tréimhse a chumhdaítear leis an Ráiteas Airgeadais seo, cuireadh nósanna imeachta foirmiúla chun feidhme le haghaidh faireachán a dhéanamh ar phróisis rialaithe agus cuireadh easnaimh rialaithe in iúl go tráthúil dóibh sin a bhí freagrach as gníomhaíocht cheartaitheach a dhéanamh agus don lucht bainistíochta, nuair ab iomchuí. Deimhním go raibh na córais faireacháin seo a leanas i bhfeidhm sa Choimisiún um Chosaint Sonraí:

- sainathníodh príomhrioscaí agus rialuithe gaolmhara agus cuireadh próisis i bhfeidhm chun faireachán a dhéanamh ar oibriú na bpríomhrialuithe sin agus chun aon easnaimh shainaitheanta a thuairisciú;
- rinne Aonad Iniúcháireachta Inmheánaí na Roinne Dlí agus Cirt agus Comhionannais iniúchadh bliantúil ar rialuithe airgeadais agus ar rialuithe eile;
- bunaíodh socruithe tuairiscithe ar gach leibhéal mar ar sannadh freagracht as bainistíocht airgeadais; agus
- déanann an lucht ardbhainistíochta athbhreithnithe rialta ar thuarascálacha tréimhsiúla agus bliantúla feidhmíochta agus airgeadais ina gcuirtear an fheidhmíocht iarbhrí i gcomparáid leis an mbuiséad nó leis an bhfeidhmíocht thuartha.

AN COIMISIÚN UM CHOSAINT SONRAÍ RÁITEAS FAOI RIALÚ INMHEÁNACH

Soláthar

Deimhním go bhfuil nósanna imeachta i bhfeidhm ag an gCoimisiún um Chosaint Sonraí chun a chinntiú go gcomhlíontar na rialacha agus na treoirlínte reatha maidir le soláthar. Deimhním freisin gur chomhlíon an Coimisiún um Chosaint Sonraí na nósanna imeachta sin le linn na tréimhse ón 25 Bealtaine 2018 go dtí an 31 Nollaig 2018.

Athbhreithniú ar Éifeachtacht

Deimhním go bhfuil nósanna imeachta i bhfeidhm ag an gCoimisiún um Chosaint Sonraí chun faireachán a dhéanamh ar éifeachtacht a nósanna imeachta bainistíochta riosca agus rialaithe. Obair na n-íniúcháirí inmheánacha agus seachtracha, an Choiste Iniúcháireachta sa Roinn Dlí agus Cirt agus Comhionannais agus an choiste ardbhainistíochta, rinne sí eolas d'fhaireachán agus athbhreithniú an Choimisiúin um Chosaint Sonraí ar éifeachtacht an chórais rialaithe inmheánaigh. Tá an lucht ardbhainistíochta laistigh den Choimisiún um Chosaint Sonraí freagrach as an gcreat rialaithe inmheánaigh a fhorbairt agus a chothabháil.

Le linn na tréimhse ón 25 Bealtaine 2018 go dtí an 31 Nollaig 2018, agus ag gníomhú dó faoi mhaoirseacht ag Coiste Iniúcháireachta Vóta 24 (Dlí agus Ceart) le haghaidh rialuithe inmheánacha agus maoirseacht a dhearbhu, ba é an t-aonad Iniúcháireachta Inmheánaí sa Roinn Dlí agus Cirt agus Comhionannais a chomhlíon feidhm Iniúcháireachta Inmheánaí an Choimisiúin um Chosaint Sonraí.



Helen Dixon
Coimisinéir

Dáta: 23 Lúnasa 2019

AN COIMISIÚN UM CHOSAINT SONRAÍ
CUNTAS FÁLTAS AGUS ÍOCAÍOCHTAÍ
DON TRÉIMHSE ÓN 25 BEALTAINÉ 2018 GO DTÍ AN 31 NOLLAIG 2018

	Nótaí	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir go dtí an 24 Bealtaine 2018
		€	€
Fáltais			
Airgead ón Oireachtas			
Táillí	2	5,416,801	2,637,109
		<u>5,416,801</u>	<u>208,346</u>
		<u>5,416,801</u>	<u>2,845,455</u>
 Íocaíochtaí			
Costais Foirne	3	3,212,609	1,680,463
Costais Chóiríochta agus Trealaimh	5	793,944	275,225
Costais Oibriúcháin	6	248,388	123,019
Táillí Dlí agus Gairmiúla	7	<u>1,161,860</u>	<u>558,402</u>
		<u>5,416,801</u>	<u>2,637,109</u>
Íocaíocht fáltas don tréimhse le Vóta Oifig an Aire Dlí agus Cirt agus Comhionannais		64,769	155,932
Fáltais atá iníoctha le Vóta Oifig an Aire Dlí agus Cirt agus Comhionannais			52,414
		<u>5,481,570</u>	<u>2,845,455</u>

Tá nótaí 1 go 12 mar chuid den chuntas seo.



Helen Dixon
Coimisinéir

Dáta:

23rd August 2019

AN COIMISIÚN UM CHOSAINT SONRAÍ

NÓTAÍ LEIS NA CUNTAIS

DON TRÉIMHSE ÓN 25 BEALTAINE 2018 GO DTÍ AN 31 NOLLAIG 2018

1. Beartais chuntasaíochta

Tá an bonn cuntasaíochta agus na beartais shuntasacha chuntasaíochta ar ghlac an Coimisiún um Chosaint Sonraí iad leagtha amach thíos. Cuireadh i bhfeidhm go comhsheasmhach iad le linn na tréimhse.

a) Faisnéis Ghinearálta

Cuireadh an Coimisiún um Chosaint Sonraí ar bun faoin Acht um Chosaint Sonraí, 2018. Tá a oifigí lonnaithe ag 21 Cearnóg Mhic Liam, Baile Átha Cliath 2, ag Pointe na Tríonóide, 10/11 Sráid Laighean Theas, Baile Átha Cliath 2, agus ag Teach na Canálach, Bóthar an Stáisiúin, Cúil an tSúdaire, Co. Laoise. Is é príomhfhéidhm an Choimisiúin um Chosaint Sonraí maoirseacht a dhéanamh ar chomhlíonadh an Rialacháin Ghinearálta maidir le Cosaint Sonraí, na Treorach maidir le Cosaint Sonraí i réimse Fhorfheidhmiú an Dlí agus an Achta um Chosaint Sonraí, 2018. Áirítear iad seo a leanas leis na croifheidhmeanna atá ag an gCoimisiún um Chosaint Sonraí: gearáin a láimhseáil agus fiosrúcháin agus imscrúduithe a dhéanamh ar shárúithe féideartha ar an reachtaíocht cosanta sonraí; feabhas a chur chun cinn ar chomhlíonadh na reachtaíochta cosanta sonraí ag rialaitheoirí sonraí agus ag próiseálaithe sonraí agus feacht mhéadaithe a chothú ar chearta cosanta sonraí; agus obair i gcomhar le húdaráis chosanta sonraí i mBallstáit eile den Aontas Eorpach ar shaincheisteanna amhail gearáin agus sárúithe líomhnaithe a bhaineann le próiseáil trasteorann.

b) Bonn an Ullmhúcháin

Ullmháid na cuntais ar bhonn an ghnóthais leantaigh, faoi choinbhinsiún an chostais stairiúil. Tá na cuntais san fhoirm ar cheadaigh an tAire Dlí agus Cirt agus Comhionannais i le comhthoilíú an Aire Caiteachais Phoiblí agus Athchóirithe. Ullmháitear na cuntais in euro, arb é airgeadra feidhmeach an Choimisiúin um Chosaint Sonraí é.

c) Airgead ón Oireachtas

Is ionann an t-ioncam a aithnítear sna cuntais faoin teideal Deontais agus cistiú a tugadh don Choimisiún um Chosaint Sonraí trí Vóta na Roinne Dlí agus Cirt agus Comhionannais. Is í an Roinn a riarann íocaíocht na dtuastal agus íocaíocht gach costais eile. Is ionann an méid a aithnítear mar ioncam agus an méid a tógadh ón Vóta chun na híocaíochtaí a rinneadh le linn na tréimhse a chistiú.

d) Airgeadraí Eachtracha

Déantar idirbhearta atá ainmnithe in airgeadraí eachtracha a aistriú go euro agus taifeadtar iad ag an ráta malairte atá i bhfeidhm ar dháta na n-idirbheart. Déantar sócmhainní agus dliteanais airgid atá ainmnithe in airgeadraí eachtracha a aistriú go euro ag na rátaí malairte atá i bhfeidhm ar an dáta tuairiscithe nó ag rátaí conarthaí réamhcheannacháin, i gcás gurb ann do chonarthaí den sórt sin.

f) Aoisliúntas

Is státseirbhísigh iad na fostaithe de chuid an Choimisiúin um Chosaint Sonraí. Is baill iad de scéim neamhchistithe sochair shainithe, rud a riarann an Roinn Caiteachais Phoiblí agus Athchóirithe é.

Rinneadh dlí den Acht um Pinsin na Seirbhíse Phoiblí (Scéim Aonair agus Forálacha Eile), 2012, an 28 Iúil 2012. Tugadh isteach leis an Acht an leagan nua den Scéim Pinsean Seirbhíse Phoiblí Aonair ("Scéim Aonair"), a bhfuil éifeacht léi ón 1 Eanáir 2013. Is baill den Scéim Aonair iad gach ball foirne nua sa Choimisiún um Chosaint Sonraí a chuaigh isteach san Eanáir Phoiblí den chéad uair an 1 Eanáir 2013 nó ina dhiaidh.

g) Faisnéis Fabhrúithe

Ar áireamh i nóta 8 leis na cuntais tá faisnéis a bhaineann leis na torthaí airgeadais a bheadh ag an gCoimisiún um Chosaint Sonraí dá n-ullmhófaí na cuntais faoi choinbhinsiún an chostais stairiúil. Cloíonn siad le FRS 102, an caighdeán tuairiscithe airgeadais is infheidhme sa Ríocht Aontaithe agus in Éirinn arna eisiúint ag an gComhairle Tuairiscithe Airgeadais (FRC) agus arna fhógairt ag Cuntasóirí Cairte Éireann.

AN COIMISIÚN UM CHOSAINT SONRAÍ

NÓTAÍ LEIS NA CUNTAIS DON TRÉIMHSE ÓN 25 BEALTAINE 2018 GO DTÍ AN 31 NOLLAIG 2018

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir go dtí an 24 Bealtaine 2018
	€	€
2 Airgead ón Oireachtas		
An Roinn Dlí agus Cirt agus Comhionannais	5,416,801	2,637,109

Cistíodh an Coimisiún um Chosaint Sonraí ó Vóta na Roinne Dlí agus Cirt agus Comhionannais (Vóta 24) trí fho-mhírcheann A.6.

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir go dtí an 24 Bealtaine 2018
	€	€
3 Costais Foirne agus Faisnéis Fostaithe		
Pá agus Tuarastail	3,135,363	1,631,496
Taisteal agus Cothú	77,246	48,967
Costas Foirne Iomlán	3,212,609	1,680,463

Ba é 90 duine an meánlíon fostaithe a bhí ann le linn na tréimhse.

Tógadh an asbhaint a bhaineann le pinsean ar aon dul le ceanglais reachtúla. Asbhaineadh tobhach pinsin €111,176 sa tréimhse ón 25 Bealtaine 2018 go dtí an 31 Nollaig 2018 agus choinnigh an Roinn Dlí agus Cirt agus Comhionannais é.

AN COIMISIÚN UM CHOSAINT SONRAÍ

**NÓTAÍ LEIS NA CUNTAIS
DON TRÉIMHSE ÓN 25 BEALTAINÉ 2018 GO DTÍ AN 31 NOLLAIG 2018**

4 Luach Saothair an Choimisinéara Cosanta Sonraí

Is é seo a leanas an luach saothair a fuair an Coimisinéir aonair sa tréimhse ón 25 Bealtaine 2018 go dtí an 31 Nollaig 2018:

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir go dtí an 24 Bealtaine 2018
	Tuarastal	Tuarastal
	€	€
Helen Dixon	81,859	55,210

Ní bhfuair an Coimisinéir aonair aon iocaíochtaí a bhaineann le feidhmíocht ná aon sochar comhchineáil eile le linn na tréimhse.

Tá teidlíochtaí pinsin an Choimisinéara i gcomhréir leis na teidlíochtaí caighdeánacha i Scéim Aoisliúntais Sochair Shainithe na Státseirbhíse agus ní théann siad os a gcionn.

Thabhaigh an Coimisinéir aonair speansais taistil sa tréimhse ón 25 Bealtaine 2018 go dtí an 31 Nollaig 2018, lenar áiríodh aisíocaíochtaí €8,861.

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir 2018 go dtí an 24 Bealtaine 2018
	€	€
5 Costais Chóiríochta agus Trealaimh		
Breiseanna le sócmhainní seasta	254,662	23,887
Cothabháil trealaimh agus soláthairtí oifige	117,410	84,832
Cíos	222,671	153,061
Speansais áitribh	199,201	13,445
	793,944	275,225

AN COIMISIÚN UM CHOSAINT SONRAÍ

**NÓTAÍ LEIS NA CUNTAIS
DON TRÉIMHSE ÓN 25 BEALTAINÉ 2018 GO DTÍ AN 31 NOLLAIG 2018**

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir 2018 go dtí an 24 Bealtaine 2018
	€	€
6 Costais Oibriúcháin		
Speansais aistriúcháin agus ateangaireachta	20,758	645
Priontáil, postas agus páipéarachas	31,201	
Teileachumarsáid	18,950	
Seimineáir agus comhdhálacha	8,543	294
Speansais mhargaíochta agus mheán / feasacht ar an		
Rialachán Ginearálta maidir le Cosaint Sonraí	108,430	95,182
Oiliúint agus forbairt foirne	1,671	
Gearrháin nuachtáin agus tréimhseacháin	1,380	927
Sólaistí oifige	781	3,351
Ballraíocht de chomhlachtaí gairmiúla	255	270
Tuarascálacha agus foilseacháin / fógraíocht	37,780	19,561
Iníúcháireacht agus Cuntasaiócht	16,772	
Speansais eile	1,867	2,789
	<u>248,388</u>	<u>123,019</u>

	An tréimhse ón 25 Bealtaine 2018 go dtí an 31.12.2018	An tréimhse ón 1 Eanáir 2018 go dtí an 24 Bealtaine 2018
	€	€
7 Táillí Dlí agus Gairmiúla		
Comhairle dlí (de chineál ginearálta)	18,033	2,498
Táillí dlí - imeachtaí dlí	380,916	247,904
Costais dlí a dámhadh in aghaidh an Choimisiúin	445,401	
Costais dlí a aisghabhadh	(6,482)	(7,027)
Cumarsáid / Caidreamh Poiblí	39,688	40,524
Seirbhísí Comhairleacha Gnó	260,319	274,503
Eile	23,985	
	<u>1,161,860</u>	<u>558,402</u>

AN COIMISIÚN UM CHOSAINT SONRAÍ

**NÓTAÍ LEIS NA CUNTAIS
DON TRÉIMHSE ÓN 25 BEALTAINÉ 2018 GO DTÍ AN 31 NOLLAIG 2018**

8 Faisnéis Fabhruithe

(a) Sócmhainní Seasta	Trealamh TF	Tógáil atá ar siúl	Trealamh Oifige	Iomlán
	€		€	€
<u>Costas</u>				
Ag an 25 Bealtaine 2018	66,926		12,323	79,249
Breiseanna don tréimhse		396,239	2,522	398,761
Diúscairtí				
Ag an 31 Nollaig 2018	66,926	396,239	14,845	478,010
<u>Dímheas Carntha</u>				
Ag an 25 Bealtaine 2018	45,552		9,662	55,214
Muirear dímheasa don tréimhse	3,040		764	3,804
Diúscairtí				
Ag an 31 Nollaig 2018	48,592		10,426	59,018
<u>Glanluach Leabhar</u>				
Ag an 31 Nollaig 2018	18,334	396,239	4,419	418,992
Ag an 25 Bealtaine 2018	21,374		2,661	24,035

IÁirítear le breiseanna tógála atá ar siúl, ar fiú €396,239 iad, méid €144,099 nár cuireadh ar áireamh sa tréimhse roimhe.

	An tréimhse ón 25 Bealtaine 2018 go dtí an 31 Nollaig 2018	An tréimhse ón 1 Eanáir 2018 go dtí an 24 Bealtaine 2018
	€	€
(b) Costas Seirbhíse		
Íocaíochtaí sa tréimhse	5,416,801	2,637,109
Fabhruithe tosaigh	(54,646)	(51,308)
Fabhruithe deiridh	51,807	54,646
Réamhíocaíochtaí tosaigh	20,056	32,054
Réamhíocaíochtaí deiridh	(43,358)	(20,056)
Iarmhéid stoic tosaigh	5,000	5,801
Iarmhéid stoic dheiridh	(2,123)	(5,000)
Breiseanna le sócmhainní seasta	(398,761)	(23,887)
Dímheas don tréimhse	3,804	2,628
Costas seirbhíse	4,998,580	2,631,987

AN COIMISIÚN UM CHOSAINT SONRAÍ

NÓTAÍ LEIS NA CUNTAIS DON TRÉIMHSE ÓN 25 BEALTAINÉ 2018 GO DTÍ AN 31 NOLLAIG 2018

9 Ceangaltais Léasa

Rinne an Coimisiún um Chosaint Sonraí a oifig i mBaile Átha Cliath a athlonnú go 21 Cearnóg Mhic Liam i mí Lúnasa 2016. Is áitreabh é sin a chuireann Oifig na nOibreacha Poiblí ar fáil saor in aisce.

Mar thoradh ar an ról leathnaithe a leagadh air faoin Rialachán Ginearálta maidir le Cosaint Sonraí, sháraigh an Coimisiún um Chosaint Sonraí an spás uasta atá le fáil i gCearnóg Mhic Liam ó shin i leith. Toisc nach raibh Oifig na nOibreacha Poiblí in ann áitreabh oiriúnach a chur ar fáil chun freastal ar na riachtanais chóiríochta ghearrthéarmacha, d'áirithigh an Coimisiún spás oifige breise chun srianta a mhaolú ina oifig i mBaile Átha Cliath. Chuaigh an Coimisiún um Chosaint Sonraí isteach i 'gComhaontú Oifige Seirbhísithe' ar feadh gearrthearma le Cúirt Regus, Bóthar Fhearchair, Baile Átha Cliath 2. Ba é €222,671 an costas ar an spás oifige sealadach breise i gCúirt Regus sa tréimhse ón 25 Bealtaine 2018 go dtí an 31 Nollaig 2018.

Mar thoradh ar an méadú leanúnach a bhíonn ag teacht ar ról maoirseachta reachtúil an Choimisiúin um Chosaint Sonraí, agus de bharr fhás an Choimisiúin le linn na bliana 2018, d'éirigh an eagraíocht rómhór don chóiríocht shealadach ar Bhóthar Fhearchair. D'oibrigh an Coimisiún um Chosaint Sonraí le hOifig na nOibreacha Poiblí le linn na bliana 2018 chun oifig mhalartach a aimsiú. Ní raibh Oifig na nOibreacha Poiblí in ann cóiríocht fhadtéarmach oiriúnach a aimsiú don Choimisiún um Chosaint Sonraí, áfach. Mar sin, foinsíodh spás oifige malartach i bPointe na Tríonóide, Sráid Laighean, Baile Átha Cliath 2. Is mó an spás gearrthéarmach sin ná an ceann roimhe. D'fhág an Coimisiún um Chosaint Sonraí Cúirt Regus i mí na Samhna 2018. Athlonnaíodh baili foirne chuig Pointe na Tríonóide ag deireadh mhí Dheireadh Fómhair 2018.

Le linn na tréimhse ón 25 Bealtaine 2018 go dtí an 31 Nollaig 2018, leanadh leis an díospóireacht le hOifig na nOibreacha Poiblí chun teacht ar oifig bhuan nua i mBaile Átha Cliath. Ní mheastar go mbeidh a leithéid áitribh ar fáil roimh an mbliain 2020.

Tá an oifig i gCúil an tSúdaire lonnaithe ag Teach na Canálach, Bóthar an Stáisiúin, Cúil an tSúdaire, Co. Laoise. Cuireann Oifig na nOibreacha Poiblí an oifig sin ar fáil saor in aisce.

Ag an 31 Nollaig 2018, bhí an Coimisiún um Chosaint Sonraí faoi dhliteanas i leith na n-íosiocáíochtaí léasa amach anseo seo a leanas:

	Amhail an 31 Nollaig 2018	Amhail an 24 Bealtaine 2018
	€	€
Iníochta laistigh de bhliain amháin	23,967	109,104
Iníochta laistigh de thréimhse idir 2 bhliain agus 5 bliana		
Iníochta tar éis 5 bliana		
	<hr/>	<hr/>
	23,967	109,104

AN COIMISIÚN UM CHOSAINT SONRAÍ
NÓTAÍ LEIS NA CUNTAIS
DON TRÉIMHSE ÓN 25 BEALTAINÉ GO DTÍ AN 31 NOLLAIG 2018

10 Ceangaltais Chaipitil

Ní raibh aon cheangaltais chaipitil ann ag an 31 Nollaig 2018.

11 Idirbhearta Páirtithe Gaolmhara / Nochtadh Leasa

Ba é a bhí i bpríomhphearsanra bainistíochta an Choimisiúin um Chosaint Sonraí ná an Coimisinéir aonair agus cúigear Leas-Choimisinéirí. B'ionann agus €347,899 an luach saothair iomlán a d'íoc an Coimisiún um Chosaint Sonraí le príomhphearsanra bainistíochta don tréimhse ón 25 Bealtaine 2018 go dtí an 31 Nollaig 2018.

Chomhlíon an Coimisiún um Chosaint Sonraí an Cód Cleachtais do Rialachas Comhlachtaí Stáit arna eisiúint ag an Roinn Airgeadais maidir leis an nochtadh leasa ag an gCoimisiún agus ag comhaltaí/baill foirne an Choimisiúin. Tá nósanna imeachta foirmiúla i bhfeidhm chun a chinntiú go gcloítear le ceanglais an Chóid.

12 Dliteanais Theagmhasacha

Tá an Coimisiún um Chosaint Sonraí ina pháirtí i roinnt cásanna atá os comhair na gCúirteanna faoi láthair agus ní dheanadh aon soláthar do na cásanna sin sna cuntais seo. Ní dhéanann an Coimisiún um Chosaint Sonraí aon trácht ar dhlíthíocht atá ar siúl.



Oifis Ard-Ríochtair agus Ciste
Office of the Comptroller and Auditor General

3A Sroind arís Mhéara Uachtarach
Baile Átha Cliath 1
Éire
D01 PF72

Ms Helen Dixon
Commissioner
Data Protection Commission
21 Fitzwilliam Square
Dublin 2

3A Mayor Street Upper
Dublin 1
Ireland
D01 PF72

T +353 (0)1 8638600
www.oudgen.gov.ie

Dear Ms Dixon

The audit of Data Protection Commission financial statements for the period 25 May to 31 December 2018 has been completed.

Please find enclosed:

- the report of the Comptroller and Auditor General
- a set of signed financial statements of Data Protection Commission for the period 25 May to 31 December 2018..

A management letter in respect of the audit will issue to you in due course.

The timelines in relation to laying of accounts is set out in Circular 7/2015 as follows:

- The audited financial statements and the audit certificate should be submitted to the sponsoring Department as soon as possible and no later than one month after certification.
- The Department should lay the accounts and audit certificate before the Houses of the Oireachtas no later than two months after receipt or three months where the accounts must be presented to Government.

I would ask you to lia se with your Department to ensure compliance with these timelines.

I would also ask you to ensure that adequate controls are in place to ensure that the accounts and audit certificate laid before the Houses of the Oireachtas are **identical** to the version enclosed. You may need to exercise specific care where accounts are being formatted for inclusion in an annual report.

I wish to express my appreciation for the co-operation afforded to members of the audit team by your staff throughout the course of the audit.

Yours sincerely

Kiernan Scott
Senior Auditor

30 August 2019

Data Protection
Commission

02 SEP 2019

Date Received

Dublin